



UNIVERSITÄTS-
BIBLIOTHEK
PADERBORN

Universitätsbibliothek Paderborn

Controversiarvm Omnivm Hvivs Ævi Lvthero-Calvinisticarvm Libri Tres

Coppenstein, Johann Andreas

Mogvntiæ, 1627

XCII. An, & quatenus suffragia, lustaque funebria prosint Purgatoriis?

urn:nbn:de:hbz:466:1-35233

bo tradito. Ut patet ex Consensu Patrum.

II, LUTHERVS ait, Animas suffragiis liberatas minus beari, quam si per se in pœnis satisfecissent.

AVTOR. I. Dixit; sed nec apice docuit. Nos autem credimus & docem⁹ Communionem Sanctorum, corū qui in cœlis, in terris, & infra terram in Purgatorio degunt Amici Dei. Vbiq; enim vis eadem est charitatis, quæ operatur in nobis; & efficacius tum in & ex illo, inque illum, in quo minus reperit impedimenti. Hinc aliena quandoq; charitas suffragatrix alicui plus conferre potest, quam propria patientia charitatis. Nam suffragatoria operatio meretur ex charitate viatoris: at propria patientia, iatisfactoria quidem est, sed non meritoria. De quo alubi.

2. Tria autem sunt genera Suffragiorum inde ab primitiuâ Ecclesiâ consueta: Missa, ex opere operato; Oratio, & Opera pœnosa; & hæc ex opere operantis. Ita S. Patres: Aug. ser. 22. de verb. Apost. Chryl. Ambr. &c. Itis accensentur Indulgentiæ per modum Suffragii: vt quæ aliud non sunt, quam applicationes Satisfactionum abundantissimi marum Christi & Sanctorum.

Neque hisce purgatorii dicuntur absolui: quia Absolutio est tantum subiectorum & viatorum: at purgatorii nec Papæ subiecti sunt, nec viatores. Vnde fit eis charitas applicantium condonationes & satisfactiones Christi & Sanctorum. Sed de hoc in disceptatione Indulgentiaria.

Q V Æ S T I O X C I I .

An, & quatenus Suffragia, Insuperque funebria prosint Purgatoriis?

LUTHERO-CALVINISTÆ Suffragia vel esse vlla; minus Prodesse posse, peius cariter negant. Illaque nostratum decident, tum detestantur, tum calumniantur. Sed hæc ipsorum propria; quos alma deseruit Veritas, fidesque fugit.

AVTOR. I. Concordia summa perpetua Orthodoxis fuit semper, quoad suffragia ipsa: *Non est dubium is inuari animas Fœdelium:* ait Aug. Ser. 22. de verb. Apost. I. Ita Scriptura. Nam I. Cor. 12. *Pro inuicem sollicita sunt membra; &, si quid patitur vnum, compatiumur omnia:* Sed iusti defuncti sunt membra Ecclesiæ, quod est Corpus Christi: quippe coniuncti nobiscum in vna Fide & Charitate: *Neque enim,* ait Aug. l. 20. Ciu. c. 9. *piorum anime defunctorum ab Ecclesia separantur, quæ est regnum Christi.* Quocirca viuentes possunt ac debent iuuare defunctos, velut membra Corporis eiusdem.

2. Vt Caput Christus profuit viator membris; sic debent & inuicem membra prodesse: Atqui Christus profuit Viuens viuentibus remittens peccata Magdalenæ, *Luc. 7 &c.* Mortuus mortuis; soluens; *Act. 2.* plurimos à doloribus inferni: Viuens mortuis, ad vitam reuocatis, *Matth. 9. Luc. 7. Ioan. 11.* Mortuus viuis, nobis æternam vitam promerens redemptis. Ergo & viua membra mortuis prodesse debent, vt possunt.

3. Quia ex quatuor partibus eiusdem diuisionis tres certæ sunt per Scripturæ euidentiam: Ergo & quarta. Atqui. I. Viuentes viuos adiuuât: *Iac. 5. Orate pro inuicem, vt saluemini.* 2. Mortui motuis profunt Vt Helisæus, 4. Reg. 13. mortuus mortuū vitæ restituit. Abrahâ, *Luc. 16.* Lazarum excepit: Et sancti orant pro

pro Purgatoriis; 3. Mortui uiuentibus profant: vt, 2. *Mach. 15.* Onias & Ieremias multum orant pro populo Dei; Et Sancti opitulantur uiuentibus: Quin & purgatorii pro nobis orant Deum. 4. Quid est igitur cur uiui defunctis similiter prodesse non queant; testante pariter S. Scriptura: ceu supra patet? *Bel. lib. 2. c. 15.*

II. Quoad MODVM Scholastici paxillum variant: neque interest causa; minus controuersia cum aduersariis. Suffragia inquam Communia communiter profant omnibus ad Gaudium & Refrigerium: Peculiaria uero ad Gaudium omnibus, sicut candela vni accensa lucet & ceteris; ad Refrigerium autē peculiariter illi, aut illis, quibus intenditur applicari; sicut pecunia pro captiuo ad numerata, huic valet liberando, non alteri.

III. QUOAD IUSTA FVNEBRARIA.

LVTHERO-CALVINISTÆ Sepulturam non quidem ipsam; at quatuor circa ipsam reprehendunt: 1. Comitelia sacra.

AT ita quidam hæretici Bohemi olim apud *Ancam Sylu. de Orig. Boëm. cap. 35.*

2. Vsum cereorum, vetitum in Conc. Elibertino c. 34.

AT hoc vetat errorem gentilium, putantium defunctos aliquid corporibus sentire.

3. Exequias & Anniuersaria. CALVINVS in *Præfat. Instit.* ait: Ambrosius reprehendit eos, qui nullum finem faciunt orandi pro mortuis.

AT Repetitio precum eò melior, quò crebrior est. S. Ambr. autem arguit ploratum, non orationes.

4. Sepulturam opus negant esse meritum: quod *Matth. 25.* non recenseatur inter opera misericordie.

AUTOR. *Chrys. hom. 84. in Ioann.* dicit causam: quod in sumptibus funerum excedant homines; ideo currentibus addere calcar nil opus. 2. Reg. 2. *Benedicti vos à DOMINO, qui fecistis miseric. cum Saul, & sepelivistis eum: Et nunc retribuet vobis Dominus.* Tob. 12. Encomium sepulturæ angelicum: Et *Matth. 26. Opus bonum operata est, mittens enim unguentum hoc ad sepeliendum me fecit.* Ritusque ceteri funebres sunt

perpetui ac iusti. Vide *Belarm. libr. 2. de Purgat. cap. 19.*

cap. 19.

THEOMACHIAE LVTHERO-CALVINISTICÆ

FINIS.

Gloria sit Triadi, Mariæ, & sit Gloria Diuine.